

**Razvojna banka Federacije
Bosne i Hercegovine
Predsjednik Uprave**

Broj: 5234-IX/19
Sarajevo, 24.6.2019. godine

Na osnovu člana 69. stav (2) tačka d) i člana 70. stav (1), (4) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj 5187-IX/19 od 21.6.2019. godine i člana 20. Statuta Razvojne banke Federacije Bosne i Hercegovine, u postupku javne nabavke usluga-Sistematski ljekarski pregled radnika Razvojne banke Federacije BiH, Predsjednik Uprave Banke donosi

ODLUKU

**o poništenju postupka javne nabavke usluga sistematskog ljekarskog pregleda
radnika Razvojne banke Federacije BiH - u postupku javne nabavke usluga iz
Aneksa II dio B**

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj 5187-IX/19 od 21.6.2019. godine i poništava se postupak javne nabavke usluga sistematskog ljekarskog pregleda radnika Razvojne banke Federacije BiH u postupku dodjele ugovora o nabavci usluga iz Aneksa II dio B Zakona o javnim nabavkama.

Član 2.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici www.rfbih.ba, istovremeno s upućivanjem iste ponuđačima koji su sudjelovali u ovom postupku.

Član 3.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke usluga sistematskog ljekarskog pregleda radnika Razvojne banke Federacije BiH broj 4346-IX/19 od 22.5.2019. godine, odobreno je pokretanje postupka predmetne nabavke za potrebe Razvojne banke Federacije BiH.

Javna nabavka je provedena putem Pravilnika o postupku dodjele ugovora o uslugama iz Aneksa II dio B Zakona o javnim nabavkama, a kriterij za dodjelu ugovora je najniža cijena. Nije predviđeno pregovaranje.

Procijenjena vrijednost nabavke iznosi 20.000,00 KM bez PDV-a.

Ugovorni organ je objavio poziv za dostavu ponuda na web stranici, dana 24.5.2019. godine, a poziv za dostavu ponuda je upućen na tri adrese:

- Zavod za zdravstvenu zaštitu radnika u saobraćaju, Kolodvorska 10, 71000 Sarajevo
- Ju Zavod za medicinu rada Kantona Sarajevo, Bulevar Meše Selimović br.2, 71000 Sarajevo
- Poliklinika „Moja klinika“ Sarajevo, Kranjčevićeva 12 (JU Opća bolnica „Prim. dr. Abdulah Nakaš“, objekat O-VIII-Poliklinika, I sprat), 71000 Sarajevo.

Komisija za nabavke Razvojne banke Federacije BiH imenovana Odlukom Ugovornog organa broj 2633-III/19 od 29.3.2019. godine u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su evidentirane 3 (tri) pravovremeno pristigle ponude kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	Zdravstvena ustanova „Zavod za zdravstvenu zaštitu radnika u saobraćaju“ Sarajevo	12.6.2019. godine u 09:05 h	17.335,00	0,00	17.335,00
2	PZU „Poliklinika Srce Sarajeva“	12.6.2019. godine u 11:10 h	20.000,00	0,00	20.000,00
3.	ADRIATIC OSIGURANJE d.d.	12.6.2019. godine u 11:45 h	61.140,00	41.204,00	19.936,00

Na osnovu izvršene analize i ocjene pristiglih ponuda, Komisija je utvrdila sljedeće:

Ponuđač Zdravstvena ustanova „Zavod za zaštitu radnika u saobraćaju“ Sarajevo ne ispunjava uslove za kvalifikaciju iz sljedećih razloga:

- *Ponuđač nije ispunio uslov iz tačke 15.1. poziva.*

Naime, tačkom 15.1. poziva/tenderske dokumentacije zahtijevano je da ponuđač mora ispuniti sljedeći uslov:

„da ima uspješno iskustvo u realizaciji najmanje jednog ugovora koji je u vezi sa predmetom nabavke za period ne duži od dvije godine, računajući od dana dostavljanja ponude ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od dvije godine, s minimalnom vrijednošću 20.000,00 KM bez PDV-a“.

U ponudi je dostavljen spisak dva ugovora čija ukupna (zbirna) vrijednost iznosi 22.455,00 KM (vrijednost jednog ugovora 11.350,00 KM i jednog 11.105,00 KM). Za navedene ugovore dostavljene su potvrde koje daje druga ugovorna strana o realizaciji.

Ponuđač nije dostavio spisak, kao ni potvrdu/e o uspješnoj realizaciji najmanje jednog ugovora s minimalnom vrijednošću 20.000,00 KM, kako je traženo pozivom.

U skladu sa članom 68. stav (4) tačka i) Komisija za javne nabavke je odbacila ponudu jer ista nije potpuna i ne ispunjava zahtjeve iz tenderske dokumentacije.

- Ponuđač PZU „Poliklinika Srce Sarajeva“ ne ispunjava uslove za kvalifikaciju iz sljedećih razloga:

- U pozivu za dostavljanje ponuda tačkom 15.1. poziva traženo je da ponuđač dokaže „da ima na raspolaganju poslovne prostorije/ordinacije, objekte ili druge medicinske ustanove na području Grada Sarajeva u kojima će se vršiti pregledi“.

U dostavljenoj izjavi koja je kao prilog IV data u pozivu za dostavljanje ponuda, ponuđač je naveo da raspolaže ordinacijom/medicinskom ustanovom/objektom na području Grada Sarajeva na adresi Stup Ilidža, Nikole Šopa 9.

Imajući u vidu Statut Grada Sarajeva, prema kojem Grad Sarajevo čine općine: Centar Sarajevo, Novi Grad Sarajevo, Novo Sarajevo i Stari Grad Sarajevo, Komisija je stava da se navedeni objekat ne nalazi na području Grada Sarajeva.

-U pozivu za dostavljanje ponuda, te tačkom 15.1. poziva, definisano je da ponuđač mora dokazati da je tehnički opremljen i osposobljen za izvršenje svih usluga koje su predmet nabavke, te da ima na raspolaganju ljekare specijaliste i ostalo osoblje kao i laboratoriju i opremu potrebne za uspješno izvršenje usluga navedenih u tehničkoj specifikaciji i obrascu za cijenu ponude, te da angažovano osoblje mora posjedovati odgovarajuće obrazovne i profesionalne kvalifikacije, adekvatne zahtijevanim uslugama.

Kao dokaz dužan je dostaviti original izjavu o ispunjenju uslova iz člana 50. tačka b) i e) Zakona o javnim nabavkama-izjava u formi priloga IV koji je sastavni dio poziva i podatke o obrazovnim i profesionalnim kvalifikacijama lica koja će biti odgovorna za pružanje usluga koje su predmet nabavke/Ugovora, koje sačinjava sam ponuđač, na svom poslovnom memorandumu (ponuđač se po potrebi može osloniti na kapacitete drugih privrednih subjekata po osnovu ugovora o poslovnoj saradnji i sl.).

Naime ponuđač je dostavio spisak ljekara i ostalog medicinskog osoblja za obavljanje sistematskog ljekarskog pregleda radnika Razvojne banke Federacije BiH, u kojem nisu navedeni specijalisti za sve usluge tražene specifikacijom (npr. oftalmolog, neuropsihijatar), a iste nisu navedene u obrascu za ponudu niti kao opcija podugovaranja.

Također, u obrascu za cijenu ponude, utvrđeno je da zbir ukupnih stavki iznosi 20.330,00 KM, a ne 20.000,00 KM, koliko je iskazano u navedenom obrascu.

Ponuđaču je dana 18.6.2019. godine upućen zahtjev za prihvatanje ispravke računске greške, na e-mail adresu navedenu u dostavljenoj ponudi, a u skladu sa članom 17. Uputstva za pripremu modela tenderske dokumentacije i ponuda (SG BiH 90/14).

- U roku do 2 dana, koliko je ostavljeno da se izjasni o prihvatanju računске greške, ponuđač nije dostavio pismeno izjašnjenje, odnosno potvrdu o prihvatanju iste.

U skladu sa članom 68. stav (4) tačka i) g) Komisija za javne nabavke je odbacila ponudu.

- Ponuđač ADRIATIC OSIGURANJE d.d. ne ispunjava uslove za kvalifikaciju iz sljedećih razloga:

Ponuđač nije registrovan za vršenje djelatnosti koja je predmet nabavke.

Naime, tačkom 13.2. poziva, a u skladu s članom 46. Zakona o javnim nabavkama, definisano je da su ponuđači dužni dostaviti:

- ponuđač iz BiH koji je privredno društvo/preduzeće/pravno lice: dokument o registraciji ili aktuelni izvod iz sudskog registra. U slučaju dostavljanja dokumenta o registraciji, isti mora biti dostavljen u osnovnom tekstu sa svim eventualnim kasnijim izmjenama i dopunama. U slučaju dostavljanja aktuelnog izvoda iz sudskog registra isti mora sadržavati sve podatke za koje je, prema važećim propisima o registraciji, propisano da ih takav dokument sadrži,
- dokumentaciju o ispunjenosti uslova za rad zdravstvene ustanove - Rješenje nadležnog organa da su ispunjeni uslovi za početak rada zdravstvene ustanove za obavljanje poslova koji su predmet nabavke, s obzirom na prostor, radnike i medicinsko-tehničku opremu, u skladu sa propisima koji uređuju pitanje zdravstvene zaštite.

Ponuđač je u ponudi dostavio aktuelni izvod iz sudskog registra u kojem nije navedena djelatnost zdravstvenih usluga, odnosno djelatnosti zdravstvene zaštite.

Ponuđač je dostavio aktuelni izvod iz sudskog registra za firmu kćerku PZU-Poliklinika „SUNCE-AGRAM“ Sarajevo koja se bavi djelatnošću zdravstvenih usluga (djelatnost opće medicinske prakse, djelatnost specijalističke medicinske prakse i ostale djelatnosti zdravstvene zaštite), a za PZU Poliklinika je dostavljeno i Rješenje kojim se odobrava početak rada privatne zdravstvene ustanove „SUNCE-AGRAM“ Sarajevo, jer su ispunjeni uslovi u pogledu prostora, medicinskog kadra i medicinsko-tehničke opreme. U aktuelnom izvodu je navedeno da je ADRIATIC OSIGURANJE d.d. osnivač PZU Poliklinike SUNCE-AGRAM Sarajevo. Međutim, kako se radi o dva odvojena pravna lica, Komisija je stava da ponuđač koji je dostavio ponudu kao zasebno pravno lice, ne ispunjava tražene uslove.

U skladu sa članom 68. stav (4) tačka i) Komisija za javne nabavke je odbacila ponudu jer ista nije potpuna i ne ispunjava zahtjeve iz tenderske dokumentacije.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima iz poziva za dostavljanje ponuda.

Imajući u vidu sve prethodno navedeno, a u skladu sa članom 69. stav 2. tačka d) i članom 70. stav (1), (4) i (6) Zakona o javnim nabavkama ("Službeni glasnik BiH", br. 39/14) odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 10 (deset) dana od dana prijema odluke.



Predsjednik Uprave

Salko Selman

Dostaviti:

- Učesnicima u postupku